

Attaveqaaqatigiinneq aamma it A – 2022

1. Ilinniartitsissutip inissisimanera

Attaveqaaqatigiinneq aamma it tassaavoq ilinniartitsissut misissueqqissaarnikkut attaveqaaqatigiinnermi tusagassiutinilu digitaliusuni najukkani nunarsuarlu tamakkerlugu attaveqaaqatigiinnermut tunisassiap atorneqarfianik sammisaqarluni tunisassiamik ineriartortitsiviusoq. Ilinniartitsissut humaniorap, inuiaqatigiilerinerup teknologeqarnikkullu ilisimatusarnerup akornanni inissisimavoq ilinniarnermilu ilinniartitsissutit susassa qarfiisa ataqatigiisinnerisigut nalinginnaasumik digitaliusumillu inerikkiartornissamut iluaqutaassalluni. Ilinniartitsissutip susassa qarfia tassaavoq piviusorsior tumik paasinnittariuseqarluni attaveqaaqatigiinnikkut sunnuteqaaqatigiinnikkullu ajornartorsiutinut iliuuseqarnissamut teoretiskimik ulluinnarnilu iliuuseqariaaseqarnissamut paasinnineq. Ilinniartitsissummi qitiusoq tassaavoq atuartut atuisut tusagassiutillu ataqatigiinnerinik eqqarsaatersuuteqarsinnaanissaat, tamannalu aallaavigalugu nammineq allallu attaveqaaqatigiinnermut aaqqiissutaannik misissueqqissaarsinnaaneq tunngavilersuisinnaanerlu kiisalu attaveqaaqatigiinnissamut nammineerluni aaqqiissutissianik ilusilersuineq, pilersitsineq nalilersuinerlu.

2. Ilinniartitsissutip siunertaa

Ilisimasat piginnaasallu

Attaveqaaqatigiinneq aamma it A ilinniarnissamut piareersaatigut nalinginnaasumillu inerikkiartornissamut iluaqutaassaaq. Atuartut ilusilersueriaatsit attaveqaaqatigeeriaatsit pillugit tunngaviatigut paasinninnerannik ineriartortitsinikkut atuartut attaveqaaqatigiinnermut tunisassiat pingaartitaat, isikkui, ilusaat, atuuffilu kiisalu najukkani nunarsuarlu tamakkerlugu kulturikkut inuiaqatigiittullu tusagassiutit digitaliusut atugaaner at pillugit ilisimasaqarnerulernissaat siunertarineqarpoq. Ilinniaqqinnissamut piareersarnissamut qitiusoq tassaavoq atuartut periuseqarlutik, nutaaliortutik eqqarsaatersuuteqarlutillu attaveqaaqatigiinnermi sunnuteqaaqatigiinnermilu ajornartorsiutinik aaqqiissuteqarsinnaatinniarlugit ilisimasaqalernissaat piginnaasaqalernissaallu.

Inuttut inuillu akornanni attaveqaaqatigiittarnermi piginnaasat

Atuartut namminneq ilikkagaqartarnertik ilinniartitsissummut naleqquttoq ilisimassavaat ingerlassinnaallugulu.

Ilinniartitaanermi suliner milu piginnaasat

Ajornartorsiut aallaavigalugu suliniummik suliaqarnikkut atuartut attaveqaaqatigiinnissamut tunisassiornerminni killiffiit assigiinngitsut ilisimasaqarfiginerulissavaat atuartullu suleqatigiinnissamut suliniummillu aqutsinissamut sungiusarneqassallutik. Taamaaliornikkut atuartut attaveqaaqatigiinnermut it-mullu ingerlariaqqiffiusumik ilinniarfinni kiisalu tusagassiutinik, attaveqaaqatigiinnermik it-milluunniit inuussutissarsiornermi tunisassiornermut suliner mullu periutsit ilisimasaqarfigilissavaat.

Ajornartorsiutini piviusorsiortuni pilersitsinikkut aaqqiissuteqarnikkut siunertarineqarpoq atuartut attaveqaqatigiinnissamut tunisassianik ilusilersuisinnaanissaat, taamaaliornerminnilu attaveqaqatigiinnermi aalajangersimasumi nassiussisoq, pilersuisoq atuisorlu eqqarsaatigalugit.

Kulturi inuiaqatigiillu pillugit piginnaasat

Teoriip tunisassiornermilu periutsillu ataqatigiinnerat atuartut tusagassiutinik atuisutut isorinnissinnaanissaannut iliuuserisaminnillu ilisimaarinninnerunissaannut iluaqutaassaaq, taamaalillutillu tusagassiutini piviusuni digitaliusuni piukkunnarnerullutik sumiissusersiorsinnaapput peqataasinnaallutillu - inuiaqatigiinni tamat oqartussaaffigisaanni inuinnartut nunarsuarmioqataasutullu.

3. Iikkagassatut anguniakkat imarisaalu

3.1 Iikkagassatut anguniakkat

Ilinniartut uku piginnaalissavaat:

Misissueqqaarneq misissueqqissaarnerlu

- a) namminneq misissueqqaarnertik aallaavigalugu ajornartorsiummik takunnissinnaaneq, oqaasertaliisinnaaneq
uppernarsaasinnaanerlu, matumani ajornartorsiut attaveqaqatigiinnikkut aaqqiivigineqarsinnaanersoq nalilersornissaa ilanngullugu
- b) teoriinik, periutsinik modelinillu ajornartorsiummut aaqqiissutissatut naapertuuttunik toqqaasinnaaneq, matumani ilinniartitsissutip ilisarnaatai periusaalu pillugit ilisimasanik takutitsisinnaaneq ilanngullugu
- c) tunisassiorneq attaveqaqatigiinnermilu pissutsit pillugit paasissutissanik naapertuuttunik ujarlersinnaaneq, atuisinnaaneq nalilersuisinnaanerlu
- d) pitsaassutsit amerlassutsillu aallaavigalugit kiisalu nakkutilliinissamut periutsit iluaqutsiullugit sullinniakkat atuisullu pillugit misissuinermik ilusilersuisinnaaneq paasissutissanillu katersisinnaaneq
- e) attaveqaqatigiinnermi pissutsit digitaliseeriinermut sunnerneqarsimanerinek misissuisinnaaneq, paasinnissinnaaneq ajornartorsiutissarsisinnaaneq
- f) attaveqaqatigiinnerup pinissaanut periusissiorsinnaaneq, matumani attaveqaqatigiinnermi pissutsit apeqqutaatillugit nassiussisoq, oqariartuut, tusagassiut tiguisorlu ataqatigiinnerannik misissueqqissaarisinnaaneq ilanngullugu
- g) piffissamut pilersaarutit, suliassanik agguaassinissaq suliassanillu aqutsinissaq eqqarsaatigalugit attaveqaqatigiinnissamut tunisassiornerup pilersaarusiornissaa.

Tunisassiorneq nalilersuinerlu

- h) misissueqqaarneq tunngavigalugu attaveqaqatigiinnerup ingerlanneqarneranik aqutsineq, matumani isumalluutininik tunisassiamillu pitsanngorsaanernek ingerlatsineq ilanngullugu

- i) attaveqaqatigiinnissamut tunisassianik pilersitsinermut atatillugu isumassarsiornissamut atuisunillu peqataatitsinissamut periutsinik assigiinngitsunik nassuiaaneq atuinerlu
- j) oqariartuut, sunniutit, tusagassiut toqqagaq. aningaasaqarneq eqqarsaatigalugit iliuusissatut pilersaarusiorneq, matumani innuttaasunik peqataatitsinissaq pillugu eqqarsaatersuutit ilanngullugit
- k) attaveqaqatigiinnermut tunisassiornissaq siunertaralugu eqimattami ilaasortat peqatigalugit suleriaatsinik eqqarsaatersuuteqarneq nalilersuinerlu
- l) teoriinik, periutsinik kiisalu hardwarenik softwarenillu eqqortunik atuinikkut attaveqaqatigiinnissamut tunisassanik tunisassiornermik naammassinninneq uppersaanerlu
- m) attaveqaqatigiinnissamut tunisassiornermut atatillugu inuttut pingaartitanik paasinninneq nassuerutiginninnerlu
- n) nammineq attaveqaqatigiinnissamut tunisassiarisanik misilittaasarnissamut inaarutaasumillu misilittaarnissamut periutsinik eqqortunik atuinissamut uppersaanissarlu paasisallu aallaavigalugit tunisassiamik periutsimillu pitsanngorsaaneq.

3.2 Ilinniartitsissutip imarisai pingaarnert

Ilinniartitsissutip imarisai pingaarnert ukuupput:

Attaveqaqatigiinnermut teorii oqaluttuariaaserlu

- a) tusagassiorfiit digitaliusut socialiusullu inuiaqatigiinnut sunniutaat, matumani kulturit minnerit digitaliusut tusagassiorfinnilu ataatsimoorfiit ilanngullugit
- b) attaveqaqatigiinnermut modelit, attaveqaqatigiinnermut pissutsit apeqquaatillugit misissueqqissaarnissamut sunniuteqaqatigeeriaatsit akulerutsitseriaatsillu assigiinngitsut ilanngullugit
- c) attaveqaqatigiinnermut periusissiaq iluuseqarnissamut pilersaarut
- d) attaveqaqatigiinnermut tunisassianik saqqummersitsinissamut atatillugu oqaluttuariaaseqarnissamut modelit assigiinngitsut
- e) attaveqaqatigiinnermut sunniutit, matumani tunngavilersuinissamut teorii atornerqartoq, oqariartaaseq kiisalu allattukkat ilisarnaatillu ilanngullugit

Atuisunik paasinninneq attaveqaqatigiinnermilu pissutsit

- f) atuisunik misissueqqissaarneq, matumani sullinniat kulturii, tusagassiutinik atuinerat atugaallu assigiinngitsut ilanngullugit
- g) Pitsaassutsinut amerlassutsinullu paasissutissanik katersineq, matumani nakkutilliinissamut periutsit ilanngullugit
- h) paasissutissat aallaavigalugit sullinniakkat pillugit misissueqqissaarneq attaveqaqatigiinnerup ingerlarnani paasissutissanik ilanngussineq
- i) nassiussisumik misissueqqissaarneq, niuernermit pissutsit kiisalu politikkimut, kulturimut inuiaqatigiinnermullu tunngasortai

- j) attaveqaqatigiinnermik aallartitsinissamut nassiussisut siunertaat assigiinngitsut, matumani paasissutissanik pisariaqartitsisoqarneranik nalilersuineq ilanngullugu

Attaveqaqatigiinnermik ilusilersuineq isikkulersuinerlu

- k) atoruminassuseq piginnaasaqassuserlu, matumani atuisut isigisassaaq sunniuteqaqatigiinnissamullu ilusilersuineq ilanngullugit
- l) Assilialersuinikkut oqaatsit isikkorlu, matumani pappilissatut digitaliusumillu attaveqaqatigiinnermut typografi aamma grafik
- m) Assit taakkulu assilialersuinikkut oqariartuutaat aalasut uninngasullu, matumani filmiliornermi sunniutit
- n) qalipaait digitalimilu qalipaaitilersuutit pillugit ilinniarneq
- o) skitsit, mockups, storyboards aamma prototypit

Tunisassiamik pilersitsineq misilittaanerlu

- p) isumassarsiornissamut sakkussat pilersitsinerullu ingerlarnanut sakkussat
- q) tusagassiutit assigiinngitsut oqariartuuteqariaasaat tusagasseeriaasaallu, matumani tusagassiutinut assigiinngitsunut paasissutissanik pilersitsineq suliaqarnerlu ilanngullugit
- r) suliniutinik aqutsineq, matumani tunisassiornerup ingerlarnanik aqutsinissamut sakkussat ilanngullugit
- s) agguariaatsit assigiinngitsut, taakku sananeqaataat, periarfissaat aningaasaqarnerallu.
- t) atuisunik misileraaneq

Ileqqorissarneq, inatsisit digitalimilu pissusilersorneq

- u) attaveqaqatigiinnermut tunisassiornermut atatillugu ileqqorissaarneq
- v) attaveqaqatigiinnermut tunisassiornermut atatillugu piginneqqaartussaataaneq inatsisillu allat attuumassuteqartut
- w) atuisut internetsernermi pissusaat nassiussisullu inuit pillugit paasissutissat inuttullu inuunerat pillugit periusaat

Sakkussat digitaliusut

- x) attaveqaqatigiinnermut tunisassiornermut atatillugu assinik, filminik, grafikkinik, assilialersuutinik, allakkanik, nipinik, aalasunik assigisaannillu suliaqarnissamut qarasaasiatigut sakkussanik digitaliusunik eqqortunik atuineq
- y) sunniuteqaqatigiissutinik pilersitsinerneq, programmeeriinnermut aaqquissuinnermillu programmit eqqortut
- z) suliniutip ingerlanerani, soorlu isumassarsiornermi, prototypiliornermi allattueqaqatigiinnermilu, qarasaasiatigut sakkussat eqqortut.

Attaveqaqatigiinneq aamma it A-mi ilinniartitsissutitut imarisai pingaarnerit tassaapput attaveqaqatigiinnissamut tunisassiornermut tunisassiat aaqquissutillu taakkuluunniit ilaat

ilikkagassatut aappaattut agguarlugit ilikkagassanngortinneqarsimasut pillugit ilikkagassat. Ilinniartitsissummi ilikkagassatut allattukkat tuluttoortut atuagassatut ilaassapput.

3.3 Ilassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. ilinniarnermi ilinniarnerrullu susassaqarfiani ilinniartitsissutinut allanut ataqatigiitsitsinissamut atatillugu ilinniartitsissutip imarisai pingaarnertit paasilluarnissaat pulaffigilluarnissaallu siunertaralugu illassutitut ilikkagassat toqqarneqassapput. Ilassutitut ilinniakkat ilaat ajornanngippat ilinniartut peqataatillugit toqqarneqassapput.

4. Atuartitsinerup aqqissuunneqarnera

4.1 Atuartitseriaatsimi periutsit

Atuartut namminneq assigiinngitsutigullu naatsorsuutigisaat kiisalu atuartut attaveqaqatigiinnermut aqqiissutaasa atuisunullu peqataatitsinerisa teoriivisa atornerqarnerisalu nalunassusaasa pisariussusaasalu qaffakkiartuaarneri aallaavigalugit atuartitsineq aqqissuunneqassaaq.

Ilinniartitsissummi ilinniartitseriaatsimi periutsimi ilinniartitsinermi tunisassiornermik suliaqarnermut atatillugu killormoortuanillu teoretisk-misissueqqissaarnerup ilanngunnissaa pingaaruteqarpoq. Misissueqqissaarnikkut nalilersuinikkullu atuartut namminneq allallu attaveqaqatigiinnermut tunisassiaannit paasissutissanik, misigisanik, suniutinillu paasinnissinnaalissapput nalilersuisinnaalissallutillu. Nammineq attaveqaqatigiinnermut tunisassianik ilusilersueriaatsit pilersitseriaatsillu samminerisigut atuartut attaveqaqatigiinnermut tunisassiorlutut oqariartuuteqarsinnaanermik piginnaasaqalissapput.

Attaveqaqatigiinnermut tunisassiat naqqanit pilersikkiartuaarneqarsinnaapput allanngortiterinerullutilluunniit imaluunniit pitsanngorsaanerullutik. Atuartitsineq taassuma saniatigut atuartut namminneq iliuuseqarusussusaannut paasisassarsiorusunnissaannullu annertunerulersitsissaaq kiisalu namminersorsinnaanerunissannut tapertaassalluni suleqatigiinnikkullu tusagassiutitigut attaveqaqatigiinneq digitaliusoq pillugu ilisimasaqarnerulernissamut ilisimasanillu avitseqatigiinnissamut tulluarsassallutik. Suliassat piviusorsiorlut, suliffeqarfinnut pulaanerit takusassarsiornerillu atuartitsinermi nalinginnaasuussapput. Atuartut ingerlatseriaatsit nutaaliorsiorlut pillugit ilisimasanut, piginnaasanut, pikkoriffinnullu tulluussarnissaannut atatillugu atuartut ilinniartitsissummi makku naammassisimassavaat:

- soqutigisaqartut avataaneersut suliakkiisartulluunniit suleqatiginerisigut ikinnerpaamik suliniutit marluk, tassa atuartut misigissapput attaveqaqatigiinnissamut aqqiissutertik allanut iluaqutaasoq.

Atuartitsinissap pilersarusiornerani atuartut peqataatinneqassapput, tassunga ilanngullugit ajornartorsiuutinik suleriaatsinillu toqqaanermi. Teoriit, workshoppit, suliaqarneq, suliassat

aalajangersimasut ajornartorsiullu tunngavigalugu suliniutit akulerunnerisigut assigiinngisitaartorujussuarmik atuartitsineq aaqqissuunneqassaaq. Atuartut suliniummik suliaqarnermik aqutsinissaat aaqqissuussinissaallu kiisalu atuuffinnik suliassanillu assigiinngitsunik misilittaanissaat pingaartinneqassaaq.

Attaveqaqatigiinneq aamma it A-mi atuartitsinermi tamarmiusumi atuartut ataasiakkaarlutik allanillu suleqateqarlutik attaveqaqatigiinnermut suliassanik allanngorartunik, matumani nammineq isummersorsinnaaneq, tunngavilersuisinnaaneq, nalilersuisinnaaneq iluaqutissamillu utertiffiginneq ilanngullugit, suliaqarnissamat tunngavissaqalernissaat pingaartinneqarlunnarpoq. Atuartitsinerup tamarmiusup ingerlanerani atuartut tunisassiaannut uppersaasarnernullu piumasaqaatit sakkortusineqassapput. Atuartut tunisassiaq ingerlatsinerlu ataqatigiinnerat pillugu tunngavilersuineranni isummersornerinilu imarisatigut ataqatigiissutitigullu annertusiartortitsisoqassaaq.

Atuartut qarasaasialerineq attaveqaqatigiilerinerlu pillugit ingerlariaqqiffiusumik ilinniarfinni suleriaatsinut ilisimasaat taperniarlugit atuarfik atuartitsivimmik inuussutissarsiortut suleriaasaannut assingusumik misilittagaqarfigisinnaasaannik atuartut atuarfimmit avatangiiseqartinneqassapput.

4.2 Suleriaatsit

Tamakkiisumik takunnissinnaatitsineq, sammisat pillugit atuartitsineq, workshoppit, sungiusarnerit suliniuteqarnerillu paarlakaatsinnerisigut atuartitsineq aaqqissuunneqassaaq. Ilinniartitsisup makkuninnga aaqqissuussinissaa pingaartinneqarpoq:

- nutaalioriaatsit, tassami atuartut attaveqaqatigiinnermut tunisassiat assigiinngitsut pillugit ilisimasaqartutut oqariartuuteqarsinnaaneramik pitsanngorsaaitut naapertuuttunik sammisassaqarniassammata
- iluaqutissatut siunissamillu isiginnittumik utertitsiffiginittarnernik atuisunillu misilittaanernik nalilersuisarneq, tassami atuartut attaveqaqatigiinnermut tunisassiat suleriaasiat, oqaasiisa ilusaat sunniutaallu pillugit oqariartuuteqarsinnaanerit isornartorsiorsinnaanissaannullu ilisimasaqarnerulernissaat ineriartortinneqassapput
- Inaarutaasumik soraarummeerutissatut suliniutip tungaanut nammineersinnaaneruleriartuaarneq atuartullu akisussaassuseqariartuaalernissaat siunertaralugit suliassatut suliniutinit aamma suliniutinit imminut piumassuseqarfigisariaqartut ajornartorsiut aallaavigalugu suliniutinut annertusiartuaartinneqassapput.

Suliniutini suliart ingerlarngi, tunisassiaq misileraanerillu sammineqassapput. Atuartitsinikkut siunnersuinikkut utertiffiginittarnikkullu suliniutit ilusinikkiartortinneqassapput, tassami atuartut suliniuteqarnerminni akisussaassuseqarnissaq ilikkarniassammassuk, ajornartorsiummut aalajangersimasumut atatillugu nammineerlutik suliaq pillugu ilisimasanik naapertuuttunik toqqaasinnaaniassammata misissuilluarsinnaaniassammatalu.

Atuartut attaveqaqatigiinnermut tunisassiornermi isummersorsinnaanermut periuseqarlunilu sulisinnaanermut piginnaasai qaffassarniarlugit atuartitsinerne tamani ajornartorsiutip aaqqiivigisimasap, paasisat pitsanngoriaataasinnaasutullu siunnersuut imarisai pillugit sammineqartassapput misileraanermiluunniit uppersaasiortoqassalluni. Ilinniartitsissummi periusitit atuartitsinerup ingerlarnanik uppersaanissamut atuartullu ataasiakkaat suliami ineriartornissaannut eqikkagaq digitaliusoq sulissutigineqassaaq. Tusagassiutini digitaliusuni attaveqaqatigiinnermut tunisassiat pingaarnertut suliarineqassapput, kisianni pissusissamisoopat tusagassiutit naqitat suliarineqarsinnaapput. Allattariarsornikkut suliassaarpoq assersuutigalugit nalunaarusiat uppersaatit digitaliusut saqqummiinerlu. ilinniartitsissutip naggasiutissaatut suliniut annertoq suliarineqassaaq, ilinniartitsissummilu suliniuteqarluni misilitsinnermut tunngavissiissalluni.

Inaarutaasumik suliniummik suliaqarneq 30 tiimini atuartitsinerup atuartullu piffissaq atugassaat 10 tiimiusut missinginik sivissuseqarpoq. Suliniut eqimattangorluni suliarineqassaaq, ilinniartitsissummilu tunngasut pingaanninnerusut atuutsinneqassallutik. Eqimattammi tamani inuit amerlanerpaamik sisamaasinnaapput. Suliniut pillugu ilinniartitsissumit saqqummiusaaq aallaavigalugu, eqimattat ilinniartitsitsisoq suleqatigalugu ajornartorsiut sammisanut ilikkagassani qitiusuniittunut ilassutitullu ilinniakkaniittunut naapertuuttoq killisiussavaat, uppersaasersussavaat nalilersorlugulu. Suliniut attaveqaqatigiinnermut tunisassianik ataatsimik arlalinnilluunniit imaqassaaq kiisalu allattariarsornikkut nalunaarusiaq atuartumut ataatsimut 10-15-inik quppernilik eqimattamullu atuartunut tamanut eqimattamiittumut quppernerit tallimanik ilallugit. Qupperneq nalinginnaasooq akunnequsiussat ilanngullugit 2400-inik naqinneqarpoq, tassanilu saqqa, eqikkarnera, ilusilersukkat, tabellit, assilialiusaat, allakkiat, pissarsiffiit ilanngussallu ilanngunnagit. Allattariarsorluni nalunaarusiap 20 %-ia nalunaarusiami ilaartuutaasinnaasunik taarserneqarsinnaapput. Suliniut misissueqqaarnermik tunisassiornermillu kiisalu attaveqaqatigiinnermut tunisassianik/-mik inaarutaasumik misileraanermik imaqassaaq. Allattariarsorluni nalunaarusiami ilikkagassatigut anguniakkat, imm. 3.1 takuuk, eqimattap qanoq angusimatigeneraat uppersarneqassaaq. Piffissaq suliniummik tunniussiffissaq nalinginnaasuimik kingusinnerpaamik soraarummeernerup piffissaata aallartinninnerani sap. ak. sioqqullugu inissinneqassaaq. Eqimattamiittut tunniussamut ataatsimoorlutik akisussaaffeqarput. Atuartut ataasiakkaat inaarutaasumik suliniummik sulinerat ilinniartitsissummi killiffimmut karakterimut tunngavittut ilaassaaq.

4.3 It

Ilinniartitsissut attaveqaqatigiinnermut tunisassianik ineriartornissamut, pilersitsinissamut, misileraanissamut uppersaasiornissamullu sakkussanik digitaliusunik atuisarnikkut ingerlanneqassaaq.

Attaveqatigiinnermullu tunisassianik digitaliusunik tunisassiornermut pilersuinissamullu programmit assigiinngitsut atorlugit passussinikkut teoriilerinikkullu suliaqartoqassaaq.

Attaveqatigiinnermullu tunisassianik digitaliusunik tunisassiornermut pilersuinissamullu atatillugit hardwaret softwarellu assigiinngitsut pillugit teoriit sammineqassapput sulissutigineqarlutillu. Hardware softwarelu atorveqartoq ima nalinginnaassuseqassapput, attaveqatigiinnermut tunisassiat it-mit aallaaveqartut pisariujartuinnassusaannut atorveqarsinnaallutik.

Peqatigisaanik atuartut suliniummi ajornartorsiutaatinneqartumik misissuinnerminni sakkut digitaliusut programmilla atorveqassapput, matumani paasissutissanik pissarsianillu katersinissamut, suliarinninnissamut saqqummiinissamut tunngasut ilanngullugit. Ilinniartitsissummi atuartitsineri atuartut paasissutissanik isorinnillutik nallilersuisinnaanissaasa nukittorsaannarnissaat qulakkeerneqassaaq.

4.4 Ilinniartitsissutinut allanut atassuteqartitsineq

Ilinniartitsissutip imarisaasa pingaarnert ilaat ilassutitullu ilinniartitsissutissaq toqqarneqassapput sammineqarlutillu taamaalillutik digitalitigut ineriartornerminni ilikkagassatigut atassuteqartitsineq nukittorsarneqassalluni. Ilinniarnermi sammivimmi ilinniartitsissummi allami minnerpaamik ataatsimik suliniuteqartoqassaaq. Atuartut ilinniartitsissutip suussusaanik periusaanillu ilisimasaqarnerulersinniarlugit ilinniarnermi ilinniartitsissummi allami ikinnerpaamik ataatsimik suliniuteqartoqassaaq, taamaaliornikkummi ilinniartitsissutinik kattussinikkut ajornartorsiutinik aaqiissuteqartoqarniarnikkut ilinniartitsissutit sammisassaarfii, periusai ilisimasaqartitsinerilu assigiinngitsut paasissutissiissutigineqassapput.

5. Nalilersuineq

5.1. Nalilersuisarneq

Atuartut piffissami atuartitsiffiusumi attaveqatigiinnermi sunniuteqatigiinnermilu ajornartorsiutinik aaqiissuteqarnerminni attaveqatigiinnermut tunisassiorassapput, taassumalu peqatigisaanik tunisassiat ilusilersornerannik, misilittarnerannik pitsanngorsarnerannillu suliaqarnermut teoriimullu atatillugu eqqarsaatersuutinik uppernarsaassapput. Atuartitsinerup ingerlanerani atuartut assigiinngiiaartumik suliap ingerlanera apeqqutaatillugu nalilersueqatigineqartassapput, taamaaliornikkullu suliat aallaavigalugit iluaqutissatut utertiffiginnittarnissamut utertiffigineqartarnissamullu nammineerlutik piginnaasaqalissallutik.

Atuartitsinerit naanerint tamanut atatillugit atuartut ilikkagassatut anguniakkanut atuartitsineriut sammineqarsimasunut atatillugit angusaat nalilersorneqartassapput. Nalilersuineq suliniummik saqqummiussinikkut, tusarnaartunit eqimattamilu ilinniartitsissumit utertiffigineqarnikkut pissaaq, taamaaliornikkullu atuartup paasissavai ilikkagassatut

anguniakkat angunissaannut suut sulissutigissanerlugit. Peqatigisaanillu ataasiakkaartumik nalilersuinermi atuartut atuartinneqarneranni siuariartornerulissapput killiffitsillu ilisimanerulissavaat.

Atuartut attaveqaqatigiinnermut tunisassiat, uppersaatit namminerlu eqikkagaat digitaliusut nalilersorneqarneri imminnut nalilersornissaannut ilinniartitsisumillu nalilersueqateqarnissamut atugassiat katersussavaat.

5.2. Misilitseriaaseq

Allattariarsornikkut nalunaarusiaq attaveqaqatigiinnermullu tunisassiaq(-t) aqutugalugit suliniummik misilitsittoqassaaq, imm. 4.2 takuuk. Oqaluttariarsornikkut soraarummeerneq tassunga atasoq ataasiakkaarluni misilitsissutaassaaq. Oqaluttariarsorluni misilitsinneq sioqqullugu eqimattat nalunaarusiaat censorimut nassiunneqassapput. Eqimattat attaveqaqatigiinnermut tunisassiat censorimut pissarsiarineqarsinnaanissaat atuarfiup isumagissavaattaaq. Inaarutaasumik suliniut misilitsinneq sioqqullugu ilinniartitsisup/misilitsitsisup misilitsittunut saqqummiullugu nalilersorsimassanngilaa. Soraarummeertitsisoq censorilu misilitsinnissamut oqaluttariarsornertaa sioqqullugu soraarummeernermi suliniummi suut ajornartorsiutit soraarummeertup itisilertariaqarneraat oqallisigissavaat.

Soraarummeertoq ataaseq minutsini 30-ni soraarummiissaaq. Piareersarnissamut piffissaliisoqassanngilaaq. Soraarummeerneq soraarummeertup suliniummik saqqummiussineranik aallarnerneqassaaq. Saqqummiinermi suliniummi ajornartorsiut inerniliussallu pingarnerit saqqummiunneqarneri aallaavigineqassapput. Taassuma kingorna soraarummeertoq ilikkagassatut anguniakkat nammineq toqqakkat aallaavigalugit suliniummi sammisat aalajangersimasut nassuiarlussavai (imm. 3.1 takuuk). Soraarummeertup oqaluttariarsorluni saqqummiinnermut saqqummiinissamut tusagassiut ataaseq arlallilluunniit atussavai. Soraarummeerneq oqaloqatigiinngoriartussaaq suliniullu aallaavigalugu soraarummeertup soraarummeertitsisullu akornanni pissalluni. Soraarummeertup saqqummiinera sivirusunerpaamik soraarummeernerup sivirusussaata affaanik sivirususeqassaaq.

5.3. Naliliinermi tunngaviit

Nalilersuinermi soraarummeertup ilinniartitsissummi ilikkagassatut anguniakkanik, imm. 2.1-imi taagorneqarnerat naapertorlugu, qanoq annertutigisumik angusisimanagera nalilerneqassaaq. Naliliinermi pingartinneqassaaq:

Nalunaarusiaq tunisassiarlu/tunisassiallu.

- Nalunaarusiap uppersaanermit attaveqaqatigiinnermullu nalinga, matumani tusagassiutit digitaliusut aallaavigalugit attaveqaqatigiinnermik pilersitsinissamut teoriinik periutsinillu ilanngussineq ilanngullugu.
- suliniummi ajornartorsiutit uppersarneqarnera nalilersorneqarneralu

- Attaveqatigiinnermullu tunisassianik pilersaarusiorneq, pilersitsineq nalilersuinerlu
- Misissueqqaarnerup, tunisassiornerup misileraanerullu ataqatigiinnerat
- attaveqatigiinnermut tunisassiornermi mianersorneq
- suliniummik pilersaarusiorneq suliniummillu suliaqarnermi aqutsineq, matumanilu it-mik naapertuuttumik atuineq
- attaveqatigiinnermut tunisassiap pilersikkiartuaarnerani atuisunik eqqortunik peqataatitsineq.

Oqaluttariarsornikkut saqqummiineq sanillersuussinerlu

- suliniummi ajornartorsiutit inerniliussallu pingaarnerit pillugit oqaluttariarsornikkut saqqummiineq
- suliniummut tunisassiamillu pilersitsiartuaarnermi periutsinut tunngasunik aalajangersimasunik saqqummiineq itisiliinerlu
- ajornartorsiut toqqagaq paasisallu pitsaassusaat pillugit sulinermut atatillugu periutsit periarfissaat killiilu toqqakkat pillugit paasinninneq
- suliniutip ajornartorsiutillu suliarisimasap sanillersuunneri, matumani suliniummut atatillugu ajornartorsiutit ilanngullugit
- suliniut pillugu oqaloqatigiinnermi suliaq pillugu ilisimasaqassuseq nammineersinnaassuserlu.

Ataasiakkaarlugit nalilersorneqassapput, kiisalu oqaluttariarsornikkut saqqummiineq, allattariarsornikkut nalunaarusiaq attaveqatigiinnermullu tunisassiaq(-t) ataatsimoortillugit nalilerneqarnerat tunngavigalugu karakteriliisoqassalluni.

Ilinniartitsissutini qassiini misilitsinnermi ilinniartitsissut ilinniartitsissutinut allanut akulerutsillugu soraarummeertup makkuninnga piginnaasaqarnissaa pingaartinneqassaaq:

- ilinniartitsissutit allat akuutillugit ajornartorsiutinik suliaqarsinnaaneq
- ilinniartitsissutip suussusianik periusaanillu ilisimasaqarnermik takutitsineq.

5.4. Nammineerluni atuarneq

Nammineerlutik atuartut ataasiakkaarlugit, imm. 4.2 aamma 5.2 naapertorlugit, inaarutaasumik soraarummeerutissamik suliniuteqartinneqassapput. Atuarfimmi aqutsisoq atuartunut tamanut ilitsersuisussamik toqqaassaaq. Nammineerluni atuartoq ilitsersuisoq peqatigalugu imm. 4.2 naapertorlugu suliniummut ajornartorsiummik toqqaassaaq, suliniuteqarnerullu nalaani siunnersorneqartassalluni. Soraarummeerutissatut suliniut naammasseriigaq nammineerluni atuartup siunnersortaanit censorimillu avataaneersumit atuarneqassaaq, kiisalu imm. 5.2 naapertorlugu oqaluttariarsorluni misilitsinnermi ilanngunneqassalluni.

Naliliinermi tunngaviit ilinniartitsinissamat pilersaarummi matumani imm. 5.3-mi naliliinermi tunngaviit assigai.